

Lo Re eri mattin, lo dì de San Domenego, me mandà un cavalier, messer Francesco da Capoa, a ro quà pu lungamente parlèi con questa conclusion, che noi no voreimo nè guera, nè bataja, ma voriamo andar a Gaeta, et altre parole secundo altra comissione che haveva recevuo lo dito meser Francesco dallo Re, che havea forte speranza che per pagòra mi ghe feise fà questa ambascià; e incontimente mandò un cavaleto con lo so arado, e, quasi comandandome, me disse che mettesse a basso re veire. E subito ra nave con ro vento in poppa, cridando . . . con bombarde e con barestre me investite. Noi fummo li primi investij dalla nave dello Re e da tre altre nave, e misso lo ballao onde ghe piaxe in ro scarao de proa, fummo concatenè amorosamente, avendo da popa un altra nave e da l'altro lào un atra, et a proa un atra.

Non pensàe che li nostri compagnoin e patroin fugissano; ma monto tosto fummo . . . elli e noi tutti lighè e incatenè insemme amorosamente. Erano le galee dalle coste, refrescando le loro navi de homini e tirandone re lo navi addosso onde ghe piaxea, però che era grandissima carma. Finalmente lo Altissimo de noi dalle hore 12 a re 22, senza intervallo nè riposo, habiando rispetto alla giustitia, ne dè vittoria.

Primamente che la nave de Re la qua noi presemo e così all'altre tre con navi undexe; sicchè, insomma son restaè nave dodexi de l'armà de Re, et una galea soa bruxà et un altra in fondo abbandonà da elli; due navi delle soe galee fon levae dalla battaja, e son scampae per portà la novella. Son remasi prexoin ro re d'Aragone e lo re de Navarra, ro meistro de San Giacomo, ro duca de Sessa, ro principe de Taranto, ro vicerè de Sicilia, et infiniti altri baroin, cavalieri e gentilhomini, con Meneguccio de l'Aquila capitan de 300 lanze, e ri prexoin son miagara de miagara; advisando le Magnificentie e Reverentie Vostre che eran sum queste navi huomini d'arme mille, como sarei advisè, quando averemo più spacio per conforto de tutti Voi. Certificamo le Vostre Magnificentie et Paternitae che no so da quae parte incomensà a di ri suoi luoghi e re soe proezze, con ra grande obedientia et reverentia che sempre son steti da ro di che partimmo finò a questo di maxime in ro di della battaja; che se essi havessero combattuto davanti allo Illustre Segnò nostro e le Vostre Signorie non haverejano facto atramente. Elli meritan da esse lodè et recognosciui singolarmente.

Cristo ne preste gratia che possiamo andar di bene in meglio.

Data die 6 augusti 1435 in navi, supra insulam Pontie. — Dum appropinquaremus Gaetam, ecce novum strepitum quod nostri exientes ex Gajeta incontinenti campum inimicorum se posuit in fugam.

Filippo Maria Visconti, geloso di quella gloria comunale, ordinò a Biagio Assereto che i prigionieri fossero sbarcati a Savona e di là trasferiti a Milano. Non volle che il Senato